

ՆՈՐ-ԶՈՒՂԱՅԻ ԹԱՆԳԱՐԱՆԻ

ԱՐՔԱՑԱԿԱՆ ՀՐՈՎԱՐՏԱԿՆԵՐԸ

Նոր-Ջուղայի Ս. Ամենափրկչեան Վանքի թանգարան-մատենադարանը իր շուրջ 700 գրչագրերից և հարիւրաւոր այլ կարգի խրերից ու նկարներից բացի*, ունի նաեւ արքայական 23 հրովարտակ, որոնց կարեւոր տեղ են գրաւում թանգարանի հաւաքածուների մէջ:

Թանգարան այցելող իւրաքանչիւր անձ, իր մէկ կամ մի քանի այցելութիւններով բնականաբար հնարաւորութիւն չի ունենալ մի առ մի կանգ առնելու թանգարանում գտնուող ամէն մէկ իրի, նկարի ու հրովարտակի վրայ:

Դժուար է նաեւ մէկ ակնարկով ընդգրկել ըզզմաթիւ ու այլազան իրեր և պահել մտքում: Ուստի իւրաքանչիւր անհատ, մի այցելութեան ընթացքում հազիւ հնարաւորութիւն է ունենում անդրադառնալու թանգարանի միայն որոշ իրերին և ի մասնաւորի նրանց՝ որոնք իր ուշադրութեան յատուկ առարկան են: Դրա համար էլ թանգարանը, իւրաքանչիւր այցելութեան համար միշտ մի նորութիւն ունի պահած, որ մինչ այդ վրիպել էր այցելուի աչքից:

Ս. Ամենափրկչեան Վանքի թանգարան-մատենադարանում ներկայիս պահւում են արքայական 23 հրովարտակ, որոնց ամենահինը կրում է փրկչական 1564 թիւը, տրուած Ծառ-Արքաւանան մեծ դաղթից առաջ:

Թանգարանի այս հրովարտակները իրանահայ կեանքի իրադարձութիւններում ներկայացնում են պատմական խոշոր արժէք, որոնց բովանդակութիւններէ հիման վրայ լաւագոյնս կարելի է ներկայացնել անցեալ դարաշրջաններին տրուող վիճակն

ու Հայ ժողովրդի ընդհանուր կացութիւնը: Թուով 23 այս հրովարտակները* տրուած են Իրանի 15 արքաների կողմից. սրանցից չորսը խնդրադրեր են և կրում են արքայական մակադրութիւններ:

Հրովարտակները ցուցադրուած են թանգարանի թիւ 2 սրահում: Ստորեւ նրանց լրիւ ցանկը, ըստ թուականների:

1.— Կառ Թահմազ

Հրովարտակ համար 163, փրկչական 1564 թ. (հեջրաթի լուսնային 972 թ.): Տրուած է «Թալա» կոչուած հարկի գիշման առթիւ:

2.— Կառ Համգա Միրզա

Հրովարտակ համար 164, փրկչական 1585 թ. (հեջ. լուս. 993 թ.): Արհեստաւոր Սիմոնին ոսկեայ սուրի պատրաստութեան համար նուէր տալու առթիւ:

3., 4.— Կառ Արքաւ Ա. Մեծ.

Հրովարտակներ 165 և 166, փրկչական 1606 թ. (հեջ. լուս. 1014 թ.) և 1618 թ. (հեջ. լուս. 1028 թ.) տրուած Հայերի և Պարսիկների մէջ եղած վէճի և Զայանդէուուդ դետի ափին Հայերին նուէրած հողերի առթիւ:

5., 6., 7., 8.— Կառ Սէֆի

Հրովարտակներ համար 169, փրկչական 1629 թ. (հեջ. լուս. 1038 թ.), համար 230, փրկչական 1630 թ. (հեջ. լուս. 1039 թ.), համար 170, փրկչական 1631 թ. (հեջ. լուս. 1041 թ.), համար 172, փրկչական 1633 թ. (հեջ. լուս. 1043 թ.). տրուած են՝ Հայերի կառուցած տների, վաճառականների վճարելիք տուրքի, նրանց օտար երկրներում մահացածների ժառանգութեանց, և ճանապարհների ստացուող մաքսերի առնչութեամբ:

*) Թանգարան-մատենադարանի գրչագրերի մասին տեսնել «Ալիք» ամսագիր, 1963 թ. համար 6 (Յունիս), իսկ ընդհանուր քանգարանի մասին՝ «Ալիք» օրաթերթ, 28, 29, 30 Ապրիլ և Մայիս 1964:

*) Բացի սոյն քանգրքից, վաճառւած կամ հարկաւոր այլ հրովարտակներ և մնալ գրաւորութեան, որոնք կարիք ունեն ծառայողութեան:

9.— Ծառ Արքայ Բ.

Հրովարտակ համար 167, փրկչական 1642 թ. (հեջ. լուս. 1052 թ.), Խոջա Շաֆ-նադին գառ կապաւ և վերարկու նուիրելու առթիւ:

10.— Ծառ Սուլէյման

Հրովարտակ համար 171, փրկչական 1668 թ. (հեջ. լուս. 1079 թ.), հրահանգում է Պարսիկ հողատէրերին յիսունուելու փերիա, Լնջան և Ջարմահալ գաւառների Հայերի կրօնական և ամուսնական խնդրո-ններին:

11.— Ծառ Սուլթան Հոսէյն

Հրովարտակ համար 173, փրկչական 1707 թ. (հեջ. լուս. 1119 թ.), Ջուղայի եկեղեցիներից տուրք չդանձելու առթիւ:

12., 13., 14.— Նադիր Ծառ

Հրովարտակներ համար 168, փրկչական 1741 թ. (հեջ. լուս. 1154 թ.), համար 177, փրկչական 1742 թ. (հեջ. լուս. 1155 թ.), համար 175, փրկչական 1743 թ. (հեջ. լուս. 1156 թ.). երեքն էլ մականդուլութիւններ են, տրուած վաճառականների դատական գոր-ծերը առանց միջնորդների վարելու, ճանա-պարհների սակից աւելի մաքս չառնելու և յուսեցած ապրանքները կառավարութեան կողմից պահանջելու առթիւ:

15.— Քերիմ Խան Ջանդ

Հրովարտակ համար 174, փրկչական 1752 թ. (հեջ. լուս. 1166 թ.), Ջուղայի Հայերին անտեղի չհեղաքներու առթիւ:

16.— Ալի Մարգամ Խան

Հրովարտակ համար 176, փրկչական 1780 թ. (հեջ. լուս. 1194 թ.): Մականդուլ-թիւն խնդրագրի վրայ, Ջուղայեցիների աները չխուզարկելու և հացահատիկ չպա-հանջելու առթիւ:

17.— Ֆաթ Ալի Ծառ

Հրովարտակ համար 179, փրկչական 1832 թ. (հեջ. լուս. 1248 թ.), Ջուղայի Նոր Նշանակուած առաջնորդին լաւ ընդունելու և «Մանաթ» կոչուած հարկը չպանձելու առթիւ:

18.— Մահամադ Ծառ

Հրովարտակ համար 178, փրկչական 1844 թ. (հեջ. լուս. 1260 թ.), Նոր-Ջուղայի Գառի կոչուած թաղի հոգերը Վան-ջին պատկանելու մասին:

19., 20., 21.— Նաքեդին Ծառ

Հրովարտակներ համար 181, փրկչական 1858 թ. (հեջ. լուս. 1275 թ.), համար 182, փրկչական 1880 թ. (հեջ. լուս. 1297 թ.) և համար 180, փրկչական 1882 թ. (հեջ. լուս. 1299 թ.): Վերաբերում են խումայցած Հա-յերի Ժառանգական խնդիրներին քննութեան, տարեկան հազար ուիալ Հայ կոյսերին և հա-զար ուիալ Նոր-Ջուղայի նորաբաց զարդոցին պետական զանձարկղից վճարելուն:

22.— Ռեզա Ծառ Փառլաի

Հրովարտակ համար 231, փրկչական 1932 թ. (հեջ. լամսի 1311 թ.), Արքայի արձանը Վանքի Թանգարանում դետեղելու առթիւ:

23.— Մահամադ Ռեզա Ծառ Փառ-լաի

Հրովարտակ համար 299, փրկչական 1953 թ. (հեջ. լամսի 1334 թ.), Արքայի արձանը Վանքի Թանգարանում դետեղելու առթիւ:

Սոյն Հրովարտակներից չորսը, թիւ 168, 175, 176 և 177, խնդրագրեր են՝ ներկա-յացուած վաճառականների կողմից, որոնց լուսանցքներում որպէս հրաման մականդրել են աբգաները, խնդրարկուների դիմում-ները յարգելով:

Հրովարտակները գրուած են դժուար ընթերցելի և «չէքատթա» ձեռագրերով, որոնց բառացի թարգմանութիւնը դժուար է և ժամանակի մեծ կորուստ. ուստի այս-տեղ տալիս ենք վերջին երկուքի և Շահ Աբբաս Մեծի կողմից 1606 թուին տրու-ած Հրովարտակի լրիւ թարգմանութիւնը: Սոյն վաւերաթուղթը Հայերին Իրան բերե-լուց յետոյ տրուած առաջին Հրովարտակ է և ունի պատմական խոշոր նշանակու-թիւն: Հրովարտակը ցոյց է տալիս Շահի ունեցած համակրանքն ու ջիւղ վերաբեր-մունքը դէպի Հայ գաղթական ժողովուրդը: Մնացեալ Հրովարտակների համար տա-լիս ենք միայն բովանդակութիւնները, օգ-տւելով թանգարանի գոյքամատեանից և անձնական ուսումնասիրութիւններից:

Ստորեւ այդ Հրովարտակները, ըստ վերը նշուած ցանկի:

1.— Ծառ թահմադ. Հրովարտակ հա-մար 163, փրկչական 1564 թ.: Մեծութիւն՝

54×23 սմ.²։ Եղբրերին ունի կարմիր թուղթ։ Գրութիւնը 12 տող, իսկ լուսանցքում՝ 5 տող։ Կրում է 3 կնիք, երկուսը ներքեւում, մէկը վերը, որի մօտ կան մի քանի ոսկեգէղի փառարանական բառեր։ Միւս էջում ունի հայերէն բացատրութիւն։

Հրովարտակն ուղղուած է Նախիջևանի շրջանի գառուղային, քաղաքներին ու գիւղապետներին, որով վերջնականօրէն ու խստիւ արգելում է այլեւս «թալա» կոչուած խորիւր պահանջել ժողովրդից. ապա նշովք է կարգում և հրամայում, որ նշովագիրը փակցուի մղկիթում, աւելացնելով, որ ինքը երազում իրապէս տեսել է Հաղբաթ Ամիր-Օրմաճնուն, որ սակ է իրեն թէ այդ «թալա» կոչուած հարկը նուիրում է իր Հասան որդուն։ Նոյնպէս հրամայում է, որ եթէ այդ հարկը հաւաքուել է լրիւ կամ մասամբ, յետ վերադարձուի տէրերին և ստացական առնուի և ուղարկուի իրեն։

2.— Եւսի Համգա Միրզա. Հրովարտակ համար 164, փրկչական 1585 թ.։ Մեծութիւն՝ 17×12 սմ.։ Գրութիւն՝ երկու և կէս տող, մի կնիք ներքեւում։

Հրովարտակն ուղղուած է Հին-Ջուղայի սանեւաւորներին և յայտնում է որ հրամայւած է մայրաքաղաքի (Թաւրիզի) քաղաքարին՝ երեք թուման դրամ վճարել արհեստաւոր Միմոնին(?), ի վարձատրութիւն նրա պատրաստած ոսկեայ սուրի։

3.— Եւսի Արքաա Ա. Մեծ. Հրովարտակ համար 156, փրկչական 1606 թ.։ Մեծութիւն՝ 35×21 սմ.։ Եւրոյը եզերուած կարմիր թղթով։ Գրութիւնը ինը տող և մի կնիք վերեւում։ Հրովարտակի միւս երեսին՝ երկու տող նոյն բովանդակութեամբ բացատրութիւն. «Էս Եահաթսին ըզէղամընը մոյզով զոնաղին ազար չի խաւացնի»։

Ստորեւ Հրովարտակի լրիւ թարգմանութիւնը.

«Աշխարհաստաւ Հրաման նրա Համար, որ բարձրապաւնն նախարար և նախարարաւոյս բարձրապատիւ Միրզա Մահմադ

Ապահանի արքունատան նախարարն իմանայ թէ խնդրալիրը որ Ջուղայի ժողովրդի և Մարբանանի* (Մարնունի) ժարգլանց կրուի մասին գրել էր ստացուեց և նրա բովանդակութիւնը իմացուեց։

Կնցեւն, երեսները պարզ, իրօք այս է կերպը հիւրամեծարութեան։ Մի ժողովուրդ, որ ի պատիւ մեզ լքել է իր հաղաբամեայ Հայրենիքը և խարաբներով ոսկին ու մետաքսը թողած ձեր տունն է եկել, տեղ ունի՞ որ մի քանի սելի, մի քանի լիւր խողովի ու բամբակեւատի համար նրանց հետ կուռէք։ Ջուղայում (Հին, Լ. Մ.) տներ կային, որ մէկի վրայ երկու Հաղաբուման էին ծախսել, նրանց աւերել և իրենց ընտանիքները չալակներն առած այստեղ են եկել. նրանց հետ այսպէ՞ս պէտք է վարուել։ Ետ և շատ վատ բան էք արել, անչափ ու անսահման զարմանում եմ զեղանից, որ Մարբանանի ժողովրդին չես կոտորել։ Մուշախորթի ժողովրդին արածը թող նրանց համար խրատ լինի, որ հիւրերիս հետ վատ էին վարուել. տեսար թէ ի՞նչ բերեցի նրանց գլխին։


Ինչեւէ. ամէն կերպ Ջուղայեցիներին սիրոն առ և այնպէս արա՛, որ միխթարւած ու զոհ մնան։ Նրանց Փլատան տալում կամ Մարբանան գիւղում տեղ տուէք։ Ինչքան որ պետական կալուածներում տեղ լինի նրանց յատկացրէք, իսկ մնացածների համար էլ Հողագործների տները վարձիւր և տեղ յարմարեցրու, մինչև որ բարձրեայն Աստուծոյ յոյսով, ապագայում իրենց համար տներ կառուցեն։ Անհրաժեշտ է որ նրանց հետ վճե՞ ունեցած խմբին խիստ պատժի ենթարկու (որ յետադայում նման դէպքերը չկրկնուեն?)։ Ռաբիօլասանի Թին 1014»։

4.— Եւսի Արքաա Ա. Մեծ. Հրովարտակ համար 166, փրկչական 1618 թ.։ Մեծութիւն՝ 36×21 սմ.։ Եզերուած կարմիր թղթով։ Գրութիւնը եօթ տող և մի կնիք վերեւում։

Սոյն Հրովարտակով Եահ Արքաա Մեծը, իր արտոյայտութիւն իր ունեցած արքայական բարձր շնորհների ու սիրոյ, Ջուղայի Հայերին է նուիրում Ջալադէպուդ

*) Այս և հետագայ բուրք ցոյց են տալիս իրավարտակների բաթի չափեր, կարմիր երկգծնի հետ սիւսիմ։ Նրանցից աւանդ եղբունք են կարմիր բեզ-բով, որոնք փակցուել են գրուելուց առաջ կամ յետոյ։ Հրովարտակներն ունեն փայտեայ շրջամակներ՝ ապակիներով։

*) Պարսկական մի գիւղ Ջուղայի արեւմտեան կողմում։



Շահ Աբբաս Մեծի Հրավարտակը, 1606:

զևտի աջ ափի եզերքի պետական հողերը և հրամայում պետական դիւանապետին, որ մատենանների մէջ այդ հողերը արձանագրուեն Հայերի անունով:

5.— Շահ Սեֆի. Հրովարտակ համար 169, փրկչական 1629 թ.: Մեծութիւն՝ 32.5×22.5 սմ.: Եղերուած կարմիր թղթով: Գրութիւնը եօթ տող է մի կնիք վերը, մօտը մի քանի բառեր:

Հրովարտակը հրամայում է հարկային նախարարին, որ Ջուղայեցիներին նուիրած հողերը, ինչպէս և իրենց գնած անձնական հողերը եթէ ունեն կալուածադիր և նրանց վրայ տներ են կառուցել, համարուեն սե-

փական և ոչ թէ պետական. ապա նոյնը յիշատակել շիւանատան մատենաններում, որպէսզի Ջուղայեցիները ստիպուած չլինեն ամէն տարի նոր հրամանագիր խնդրելու:

6.— Շահ Սեֆի. Հրովարտակ համար 230, փրկչական 1630 թ.: Մեծութիւն՝ 27.5×16 սմ.: Փակցուած կարմիր թղթի վրայ: Գրութիւնը վեց տող, մի կնիք վերը և կէս տող զրութիւն:

Լ. Գ. ՄԻՆԱՍԵԱՆ

Նոր-Ջուղա

(Շարունակելի՜ 1)